

太史医案初编

中医诊本丛书

(二)

太史段酉案初編二

卯

錦芳醫案卷二病症總目

標
類

傷寒 有論

兩感

併病

風溫 有論

夏熱

發斑

赤遊丹

結胸 痞滿

瘰癧 有論

痰癆 有論

暑病 有論

濕病 有論

燥病 有論

火病

發熱

寒熱

五心燒熱

口渴

消渴

水瀉

水腫

有論

疝病

有論

瘦病

有論

治族弟生員字舜亭內室熊氏傷寒兩感腰脊痛案 三十三

余族生員字舜亭內室熊氏素屬火衰胃多寒濕飲食不節常有嘔惡胃痛之症余於伊治已久所治皆是丁砂廣半姜附燥腎燥胃之藥治無不效歲乾隆丁酉仲春翁若向余云伊內心腹作痛余診六脈流連症亦見有噎飽問其飲食多寡答曰不食余用溫中補火消導行滯之藥以治渠曰其痛仍在越數日仍照原單重用附子痛亦未止詎期伊室報症不明不曰腰背脊痛則曰心腹作痛再四問明其痛在腰背與脊余用仲景麻黃附子細辛五味子湯渠問此屬仲景傷寒之藥今非冬寒曷有是症余曰傷寒症類甚多但人止知見

寒治寒并不寒寒發於何時何經何府何臟有何傳變有何直中其
府與臟有何上見中見下見其施治也或應輕投或應重取或應先
表而後裡或應先裡而後表并看其症或併或合或兩感或即時發
或至春溫及夏而發與夫醫有失治妄治而致結胸結臍並或見有
夾雜證或遺熱未除而有勞復食復色復陰陽易之症蕃變無窮推
究靡盡而後傷寒一途可稱周到無遺余今悉爲諸公告如寒在於
春夏秋三時所感是爲非時寒疫其治不可竟用仲景傷寒專劑止
宜輕疎發表不可參用涼劑致邪入內此宜并宜分其經之所見以
緊記分藥之次第不可通用三陽經藥以致牽入他經此尤如果病如冬
宜記

時之重。則仲景專刺。又不必拘此治三時之寒疫也。寒疫若在真正

冬時傷寒。則邪或在足太陽膀胱經。脈見尺寸俱浮。症見身熱惡寒。

頭痛項強。腰脊卒僵而痛。或有汗。或無汗。則麻黃桂枝一湯。自不得

不為選用。此寒邪在足太陽膀胱邪在足太陽膀胱府。或症見煩渴

引飲吐水。瀕閉及或見如狂下血。則五苓桃仁承氣。不得不用。此邪

太陽勝邪在足陽明胃之經。脈見尺寸俱長。症見純熱無寒。自痛鼻

乾不眠。汗則繁熱而出。則升麻葛根黃芩。不得不用。而麻桂又看能

食不能食。酌深。邪在足陽邪在足陽明胃府。症見口渴心煩便硬。晡

熱手足自汗。則仲景豉梔白虎三承氣。不得不為細選。邪在足陽邪

醫案初編 卷二上 熊氏傷寒兩感二 藏三

在足陽明胆經。脈見尺寸俱弦。症見口苦咽乾、頭痛、脇痛、寒熱往來。

則仲景小柴胡湯不得不用。

邪在足少陽胆經。至此方用柴芩。

邪在足少陽胆府。症

見驚煩、胸脇作痛，則仲景柴胡龍骨牡蠣湯不得不施。

邪在足少陽胆府亦用柴

芩。

若邪或不由府由經，傳足太陰脾經。在熱傳者，症見噎乾腹滿，人

便實痛，或時瀉發熱，飲食如故。

是熱傳。

故用桂枝大黃湯，或桂枝加芍

藥湯。

是熱傳。

若外食冷物，內傷脾經，症見自利不渴，四肢厥逆，宜用仲

景四逆湯。

是直中俱邪在足太陰脾經。

邪在足少陰腎經。由熱傳入足少陰腎經。

之陽，症見口乾舌燥、咽痛、不惡寒、反惡熱、心煩而咳，宜用仲景半夏

散、苦酒湯、甘草湯、桔梗湯、甘桔湯，分別以治熱傳足少陰腎經之陰。

症見腹痛自利便血宜用仲景猪膚湯桃花湯黃連阿朮湯以治是

熱由陰邪直中是少陰腎經之陽症見惡寒嘔吐煩燥欲死骨節皆

痛宜用仲景附子湯乾姜甘草湯分別以治直中是少陰腎經之陰

症見腹痛下利清谷亡血脈微欲絕踈卧宜用仲景四逆加人參湯

白通加猪胆汁湯分別以治直中俱邪在足少陰腎經邪在足厥陰肝經由熱傳

足厥陰肝經其症通見煩滿囊縮寒熱交錯但熱傳足厥陰之陽症

見吐衄飢渴氣上冲心宜用仲景烏梅丸熱傳足厥陰之陰症見熱

痢下重四逆不溫宜用仲景白頭翁湯四逆散選治是熱陰邪直中

厥陰肝經之陽症見嘔吐涎沫頭痛宜用仲景吳茱萸湯直中足厥

陰肝經之陰。症見手足厥逆、脈微欲絕，宜用仲景當歸四逆湯。或加

吳茱萸分別以治。是直中。但熱傳至於厥陰，或返還於太陽而見一身

疼痛，宜用仲景桂枝湯返還胃府而見下利清水譫語，宜用仲景小

承氣湯返還足少陽而見嘔而發熱，宜用仲景小柴胡湯。是邪在足

若直中止在足之一經，則止用治直中一經之藥。中在二經則止用

治直中二經之藥。中在三經則通用治直中三陰之藥。但足少陰腎

經則為大厥。二陰樞紐。故太厥二陰經藥總不越乎足少陰腎經直

中之藥以為樞紐也。邪中三陰經。若病在一陽未罷，又加一陽，症見如太

陽併陽明陽明併少陽，是為併病。併病。與二陽三陽之症齊見，是為合病。

辨並一日足太陽與足少陰腎經俱見足陽明經與足太陰脾經俱見足少陽與足厥陰經俱見是爲兩感。感其藥總不出乎各經所主。而并合病仍須辨其是寒是熱是風以爲區別。切勿執一而不通也。至於陽毒發在三陽之經爲陽病。見面赤壯熱頭痛項痛燥悶不安。或狂言晉罵。或妄聞。或口唾膿血。面生錦文。或舌捲焦黑。鼻如烟煤。或咽喚腫痛。下利黃赤。六脉洪數有力。治不越乎升麻。葛根。當歸。蜀椒。甘草。雄黃。石羔。知母。人參。黃連。犀角。射干。元參。黃芩。黃柏。梔子之類。陽毒或有裏結。三陰之經爲陰症。見面青身疼痛。如被杖咽喚痛。宜用活人陰毒甘草湯。內有升麻。蜀椒。雄黃。甘草。當歸。葛根。梔子。

陰寒中虛亦結於陰爲瘧症見手足指甲皆青腹痛喜按飲冷脈微
宜用仲景四逆湯附子理中湯以治。其有夾陰夾食夾氣夾血夾
水夾痰總不越本經之藥。加其治夾之藥以爲變換。諸夾獨至結胸
痲治
在虛者則必進用仲景理中丸。水飲結者則必進用大陷胸丸。取有
大黃芒硝苦葶藶杏仁甘遂食結者則用金匱枳朮湯。外寒挾飲內
結者則用金匱生薑半夏湯。內寒挾飲內結者則用金匱乾姜半夏
散。寒水結者則用仲景三物白散。水氣結者則用仲景十棗湯。熱飲
結者則用仲景小陷胸丸。取其內有半夏黃連枳實。寒熱結於胸
脇而見滿嘔者宜用小柴胡湯加芒硝。寒熱結而不嘔者宜用仲景

柴胡桂枝湯。治少陽病。吐蛔。下利。之類。脈更有力。結胸。則用黃

連。其常。其人參。本其。屬。則用附子。半。姜。炙。黃。肉。桂。他

如。其。因。身。而。復。則。有。勞。復。之。症。可。察。因。食。而。復。則。有。食。復。之。症。可

審。遺。則。有。遺。之。症。可。考。發。則。有。發。之。症。可。詳。要。皆。隨。其。所

因。以。治。而。不。離。本。邪。之。藥。以。我。差。後。諸。復。等。症。惟有女勞復陰陽易之用

燒。稻。散。蓋。因。病。本。屬。熱。症。見。頭。暈。目。花。少。腹。頭。悶。男。子。病。應。取。婦。人

中。裡。近。陰。處。灸。及。女。人。病。取。男。人。裡。燒。灰。以。為。煎。服。女。勞。復。陰。陽。易。差。後。浮

腫。在。熱。者。則。用。海。藻。牡。蠣。及。括。石。等。藥。以。清。其。熱。而。降。痰。涎。在。胃。虛。寒

薄。中。寒。者。不。過。五。苓。加。牡。蠣。及。以。頭。加。人。參。牛。夏。木。香。水。香。澤。瀉

醫案初編 卷上 龍氏醫案卷五

與夫精中各藥之類。若浮腫者，不可用溫藥。昔是久寒不發，至於春

夏而見，乃熱也。夫俗所謂伏熱之症，此屬積久內熱。症見，縱有新

感，止宜選用寒散發散，及或略兼散表，猶可。如無表症，惡寒外見，惡寒

宜記。惡是內症，悉備。如邪熱在上，則用花粉、連翹、桑葉、黃芩、黃連、麥冬

薄荷、防風、梔子、全蝎。在中，則用石膏、知母、梔子、木大青、滑石、川朴。只宜

只數在下，則用大黃、芒硝、桃仁、紅花、猪苓、澤瀉。但夏熱較於春溫更

甚，以寒散熱尤。大黃、芒硝，最重，皆不得用。傷寒辛熱發表，重劑。宜記至此

或有次寒夾熱，夾疫尤當細為辨視。春溫以上諸症，皆統傷寒

之中，而見大要。總是大寒厥陰者，多犯血中。水寒臟陽者，多犯傳經。

水火並衰半陰半陽者則或傳或中隨其臟之畧勝者而偏見之。到
臟之陰陽此數。但張元素等所立九味羌活等湯統治六經在表風
句尤不可忽。寒者有一經未冒用之不無妄舉。猶之千金小續命湯統治六經表
中風邪者有一經未中用亦生弊。今人妄治傷寒不究寒在何經混
以九味羌活湯元戎參蘇飲活人參敗毒散通套混施將仲景一書
等若土羹其失遠矣。余今所治尊內背脊痛症是卽前論中足太陽
足少陰兩感之謂。蓋以足太陽之脈行身之背而足少陰兩腎又寄
於背故止遵用麻黃以治足太陽在表之邪細辛附子以治足少陰
經在裡之邪此邪在經而不在府故除麻半香砂在府之藥不用必

得麻細附子內外夾治則腰背脊痛之病自可立除余今遵用是方

效見始知漢仲景立方簡切無多殆有若是之神妙者矣

足太陽膀胱經行身之背頭痛項強腰背脊痛惡寒發熱

足陽明胃經行身之前發熱無寒目痛鼻干不眠

足少陽胆經行身之側寒熱往來耳聾脇痛頭痛在兩側角

足太陰脾經脈布胃中絡嗌隘乾腹滿

足少陰腎經其脈貫腎絡肺口乾舌苦燥咽痛下利

足厥陰肝經脈循陰與絡肝煩滿囊縮寒熱交錯而厥

傷寒之書非是吾師平昔融會貫通安能一一道出不窮門人錄

治同縣仙五都陽坊陽明俚邪犯太陽之本 三十四

嘗謂靈樞素問之註十二經穴仲景之著傷寒治法實是天生神聖。憫其疾苦使之指其穴道。啟我後人以爲萬世無疆之福。並非等於後世勦習糟粕妄鑿空談。所得而知也。卽以余縣姓陽乳名明俚白濁一症論之。明俚本住陽坊。因無生業。在於余室書齋。賃居營謀。忽一日告余背有一塊作痛。余曰。痛有定所。所恐防毒發。渠曰。痛已有定。余見痛處微有塊起而硬。余曰。此大毒也。余問其身是否作寒。答曰。寒甚。又問肚腹是否有病。答曰。大便拘急。日夜要解十有餘回。而小便淋漓。羞而不言。審其病之痛處。卽在內經所云太陽膀胱經穴。

是邪有犯太陽之經。兼及食滯。故有是病。余用麻桂開發經邪。及兼乳沒活血。枳朴順氣之藥以進。不期藥服一劑。卽尋外科用藥敷貼。但外科果作寒治。其敷貼之藥必熱。而毒不致內陷。若作熱治。其敷貼之藥必冷。而毒必隨而潰。余以冷言探試。問其是毒敷貼如何。渠曰。毒先痛尙在外。今則痛已在內。又問大便現在所服水藥如何。渠曰。大便已寬。但余未病之先。早有自濁一症。未及告知。今敷是藥。白濁益甚。余曰。竒哉。古人著書立說。誠不我欺如此。余卽申而明之。蓋人一十二經。其靈樞素問已載。皆屬太陽膀胱經。至其穴已屬不虛。而仲景又申太陽之病。凡口渴而小便不利者。五苓散主之。以背是

屬太陽之經。而膀胱是屬太陽經症之本。後人未及究竟。止見小便不利。則用五苓散。又烏知背卽是太陽膀胱之經。其見症卽是背痛。項強。膀胱卽是太陽經症之本。其見症卽是小便不利。故五苓散內。則有桂枝一味。仍不離乎太陽經症中之藥也。今陽明俚既患背毒。是屬太陽經症所主。而又含有白濁症見。是卽邪注太陽膀胱之腑。夫經與腑原屬同氣。腑邪盛則必轉溢於經。而毒作經邪盛則必轉溢於經之腑。而濁成。余見經腑交閉。來勢甚急。現止在於膀胱氣分。否則卽傳膀胱血分。而爲畜血之症。急將現貼敷藥除去。隨用麻黃一錢。桂枝二錢。茯苓二錢。澤瀉八分。星連進服。不然表裡急迫。藥將

安施至毒數貼。余非外科末藥。未具。應尋外科專理。其水藥。依余進服一劑。頃刻小便頓開。身亦稍快。于此見古立論。實是天憫無知。故生神聖。指明灸道。開發愚蒙。絲毫不爽。但此不將經腑之症合論。不足以見神聖作書。宣應之妙。有如此者。

察症之明。用藥之精。始知師於傷寒之書。無不透徹。故能遇症括

出門人張
廷獻

治族姪字康禧傷寒併病案 三十五

傷寒惟漢張仲景分門別類辨之甚詳因其書出已久幾經焚燬字
多豕亥章句紊亂而不可考并其文詞深奧歷經先賢評解尙有彼
同此異聚訟紛紛况屬庸醫涉獵糊口烏能探頰索隱寓目通曉臨
症施治而竟無一不效哉此醫之所以難爲而病有非一日可以識
者耳歲乾隆壬午仲冬族姪肇禧偶患感冒問其所苦則頭項背痛
而項几几不舒診其脉大而頭痛發熱俱見余曰此太陽陽明并病
也余問是否汗答曰無汗余以麻黃升麻葛根囑其煎湯以治奈
此竟爲俗醫所笑病者狐疑不決復尋一醫云此頭痛屬火應服旋

子連翹黃芩荆芥薄荷防風之藥，又問一醫頭項俯而不伸，此非屬火實，是陽氣下陷，渠見兩醫執持不一，又向余問，余曰爾既不信，何須再問，遂竟依單服之，越日云昨服之果應，今項稍伸，余曰爾既信，服可再照單服至四劑而安，以此知醫非易，而仲景之書不可不細考也。

傷寒太陽陽明併病如何，一醫言火，一醫言虛，總是未讀仲景傷寒之書，故但任意猜估者耳。男省吾識

治建昌府瀘溪縣林國柱風溫症案

三十六

風溫一證，既有內經分爲三例，與仲景之著傷寒，默爲暗合。復有喻嘉言貌而論之，謂春爲四序之首，春之氣溫，故病卽以溫名。若至春夏之交，屬溫而症，又兼有濕，則卽謂之溫濕。正夏之時，屬熱而症，又兼有熱，則卽謂之溫熱。正秋之時，屬燥而症，又兼有濕，則卽謂之溫。正冬之時，屬寒而症，又兼有濕，則卽謂之溫寒。卽今謂之冬溫，至於溫疫，溫瘧，則在夏時，溫濕溫熱之內，溫瘧卽是風溫之症。內有伏邪，未出，藏踞於腎。至於大暑大熱，蒸動而出，其症形狀似瘧，但先熱後寒。宜始有是名，似不必頭上加頭冠上加冠，而曰春溫復感風寒。

與毒而致變爲某某之症也。

叔和所

內經所言冬傷於寒春必病溫

緣病於冬時受寒邪鬱於肌膚而不得發至春陽氣發動則邪不得

再留卽仲景所謂口渴而不惡寒與上古經文所謂太陽病榮頰骨

得汗已者是也。

上古經文言太陽之脈色榮頰骨榮未交日今且得

病內逆腎少陽之脈色榮頰前熱病也榮未交日今且得汗待時而

已與少陰脈爭見者死此共一十五句七十字又按熱病太陽榮頰

骨少陽榮頰前厥陰

榮頰後少陰榮兩頰此時邪未深入脈則弦緊而弱或浮而數或

沉而實治法或溫或下或和或補或踈須看脈症施治但溫止宜桂

枝解肌而不取乎麻黃發汗此是一例

內經第一例

又觀內經所云冬不

藏精春必溫病其症卽如仲景所云汗已身灼熱者名曰風溫句風

溫爲病脉陰陽俱浮自汗出身重多眠睡鼻息必鼾語言難出

此仲景之文

但初時邪未深入故身雖熱而捫之反不烙手其或皮間未熱而耳

輪上下先已見熱亦不似全不惡寒以邪在於太陽寒水之經故微

見其惡寒及至火熱灼肌而渴亦不見甚以其熱邪初動而陰精尤

得自持急宜用藥入腎救其真陰但或脉見沉微症見陽損治當川

湯若脉而見細數症見身重嗜卧鼻鼾諸候或妄用藥以下而致血

視失溲被火而致色黃癰癰火熏而致難保

此是仲景原文

此是上下交見

不亦如上古經文所云交爭必死之會乎但初用藥入腎以救仍以

能食爲貴

所重及在能食

若不能食則內陰精其何以生烏能以受風木之

吸此又一例。內經第二例

內經第二例

又內經所云冬不藏精。至春時並發。此與仲景所云傷寒症有兩感。治有先後發表攻裡。本自不同。但傷寒兩感不專在於太陽少陰共見。此之溫病兩感。止在太陽少陰之內。究其治法不一。而要仍在臨時計較。果其陰盛陽微。即當以溫為主。陽盛陰微。即當以下為主。陰陽錯雜。溫下兩有所礙。則當參伍以調。其偏而不可以一偏治也。內經第三例至於溫瘧。溫疫。即是夏月溫濕之症。而溫並非春時重有所感。溫瘧即是冬時感有寒濕。在於骨髓。至春陽氣大發。不能即出。必待大暑大熱。動其內氣。而症始見。仍是風溫症內之症。並非妄指復感於寒而成。凡此風症。昔惟喻嘉言辨之甚明。無

治血姪孫

母舅
職員

徐倚園長女清姪夏熱案

二十七

夏熱者非是外感之熱。實因冬時感受寒邪。至春而發。則爲溫。至夏而發。則爲熱矣。其一感受而發。則有先後。因其感受不同。氣有厚薄。則其發爲差異耳。此夏月之熱。所以獨遲於春溫也。況時至長夏。陽氣盡洩。火炎土燥。爾時之邪。安肯伏乎。卽其秉體甚厚。亦難內留。故其發源。則自少陰。由出之途。則自陽明。不似春溫。自少陽而出。要皆根乎時令之氣。以行。但時日既久。熱亦甚熾。此非三陽表藥可用。故仲景專用白虎大劑。以投。但或胃有寒飲。所隔。則又當用生姜同入。歲乾隆甲午仲夏。值徐倚園舅令姪清姪。病患夏熱。余初診視。而則

似青而赤。兩眼微覺有淚。嗽則噴有微痰。而不甚利。身上微熱。有熱。六脈數。而且紫。舌上微有白胎。唇紫而燥。已知內有熱。伏外有寒。閉之象矣。當用羌防連翹薄荷枳殼紫菀輕平之藥。以疏肺氣。而解外邪。凡升麻柴葛桔梗升拔內氣之藥。置而不用。并囑止服半劑。以觀內熱外溢。及至半劑稍盡。而熱與渴與燥隨起。一逢水飲入口。堅不肯置身。則壯熱不解。凡諸口燒。溺赤。舌胎煩燥等症。無不悉備。余見內熱盡出。不用仲景白虎大劑。不解。是夜連進二劑。症雖少平。而面色與唇似覺枯燥。不潤。兩眼閉而不開。覺非全愈之兆。其母抱女大哭。一時婦女統集。愈覺慌忙。旁有一媪。謂女久未服乳。如是忙取乳。

汗一杯灌入其乳卽從口吐出而不納矣因囑其母速煎生姜搗汁入原藥中再服一劑是夜熱退身安渴止眼開而藥不復再用矣所以然者緣女內熱仍挾有寒所服白虎未及姜投以致胃不克受藥亦難行泰以姜入則胃氣有以藥自得力倘非經余細審及或旁有一位內親爲之阻礙改用溫劑則藥仍有未合而病不無纏綿不解胃爲後天之本凡遇極熱之証而用苦寒之藥古人必佐生姜以投正所以重胃氣使其有權而得以行其藥耳斯証先不進用仲景白虎不能以救其熱後不進用姜以未於白虎湯中不克以止其喘而行其藥令人止知熱因寒用而不知涼藥入胃亦在胃氣

以行否則藥不克行耳。自記

世人好用涼藥而不顧膽胃陽。盡於此案觀之。門人張廷獻

吾父嘗謂治病之當首顧胃陽。或謂病應用溫藥。應如是。豈知病應用涼。而脾胃一經。偶有寒阻。藥未顧膽病。卽見有嘔惡目閉之變乎。但藥一參姜汁。同入。不惟嘔症旣除。更見諸熱盡退。於此見人脾胃實爲後天之本。而不可易者如此。男省吾識

治族叔太學諱廷諤陰毒發班斷案 二十八

族叔太學諱廷諤字英士久在先父門下受業與先父甚契歲乾隆
某年病迫先父往渠探病余亦隨之是時余已習醫見渠面目俱青
身痛有如被杖其病尙在軀殼故不敢下此是陰熱亢極而成並非陰寒亢極之

症醫者紛紜置喙有言此屬病瘵宜用承氣大下有言此屬陰寒宜
用附桂熱投確無一定時有姻世臺姓張同往診視力言此屬陰毒
應用金匱升麻鷲甲去蜀椒明雄加桂枝彼見桂枝升麻畏而不用
殊不知陽毒發班因其平素有火被寒鬱於三陽之經症見面赤發
班癰在咽喉痛腫膿血鼻煤狂叫燥悶頭項苦痛仍有妄有見聞彼

是陽毒發斑，尚用金匱升麻、鱉甲湯以治。取有升麻以提邪，當歸以和陰，甘草以固中，蜀椒以散寒，明雄以制狂，鱉甲以養陰。句如見毒盛不化，六脈洪數，方用人參、白虎、咽喉極痛，方用黑參、升麻、甘草。若熱毒勢盛時，狂時昏口噤、咬牙、藥不得下，則不得不用絹裹手指蘸水以清牙關，而用三黃石羔以除。此屬陰毒，如何不用桂枝、升麻、領邪外出，反以二味爲疑，以致阻而不用。余斷此症治不得法，毒歸內臟，必在七日之內。其後果至七日而逝。至於余族咸稱病疫俱非，傷寒邪鬱三陽之經，而見斑出，是謂陽毒發斑；傷寒邪鬱三陰之經，而見斑出，是謂陰毒發斑。二者均非陰寒亢極之症，然總不離桂枝、升麻、領邪外。此切勿效此置而不用，以致毒歸於臟而死。

治廣信府鉛山縣湖坊鎮胡敬元之子赤遊丹毒案

三十九

歲乾隆乙酉余因公在於鉛山縣城時有湖坊鎮胡敬元之子身犯赤遊丹毒抱於余視渠云是斑余曰是赤遊丹毒也蓋丹赤如丹砂遊於上下痛不可言非若傷寒之皮紅成片初如蚊咬之跡後則錦紋燦爛但其發有微甚勢有重輕輕者細如蚊跡或先紅而後黃重者成粒成片或先紅而後赤輕者只在四肢重者乃見胸腹輕者色淡而隱重者色紫而顯若見黑斑或自利或短氣或二便秘結則死

此言非

又非若疹初起不見必在肩背頭項臂膝灣處刮之見有紅

點者但其未見之先必有猝倒腹痛之症

此言非

更非若疹則有風

疹麻疹瘡疹之別在風疹者發多搔癢且有宛瘡之腫見有厚塊但
顆粒分明不如丹之一片不分麻疹則發熱節出其出則在皮膚之
中摸之而不碍手并出或卽見沒其頂尖而不長其形小而勻淨出
則有形無汗瘡疹則夾於瘡中碎如粟米在於皮膚之外按之碍手
三疹俱宜升托解毒不可竟用補劑。此言非疹之比若在水痘出之明淨似
水易出易靨。此非水痘之比并非等於露丹初如水痘在面其痘腳微紅次
至頭項有類丹砂而非丹砂。此非露丹之比若云等於丹火纏腰亦只在腰
而發則不及於周身。此非丹火之比等於天花泡只是形如湯盪作炮一破
卽是漿出成瘡此是風邪毒氣客於皮膚傳於血氣而成。此非天花泡比

丹之紅是屬一片塊若雲頭膠粒不分丹防毒氣入腹入腎故丹發在於腹出於四肢者易治發於四肢而入腹者難治治法看有兼表之症瀆用辛平發表之藥看有兼裡之症瀆用清涼清裡之藥均瀆磁針砭出惡血看紅者輕紫者重黑者死矣至血出不紅不黑瀆用平辛肉片過貼紅暈處微乾再易若肉片不乾換如意金黃散用藍靛清汁調敷服藥看暈更換發於一二日間者身熱腹軟熱退身涼砭處肉活哺乳如常者生反是則死此正是丹形象今觀是兒形亦是丹但丹出未久只在一二日內尚可以醫姑用防風一錢荆芥一錢薄荷一錢連翹一錢赤芍一錢銀花一錢生地一錢升麻三分乾

葛八分、山甲六分、蛇蛻五寸、虫蛻五個、乳香五分、沒藥五分、靈仙八分、油菜子一錢、使其遠遠投服、外於患處速用磁針砭出惡血、按方進用牛肉片敷貼、乾則再易、方是。越二日其父依余所言、其藥進服三劑、觀其丹毒已散、四肢似有散勢、而貼處砭處皆活、於此知古所論不虛、但當隨症活潑、看毒在表在裡、善察兼症之爲治耳。

分別斑痧與疹之症、總與赤遊丹症有別、不可草率妄治。

趙紹
音

治癘臨五都履家以胡振遠之孫胡發壽結胸案 四十

傷寒固當發表為先。麻症亦當疎表為急。若傷寒不早為之表散，則寒勢必內陷而致變為熱候。麻症不早為之表托，則毒歸於內腑而致變現多端。此是醫家論治大要而不可一日不留於心者也。乃今之為醫者，異矣。一言傷寒早於表散，藥內加入涼劑，以為後來清熱之基。不惟邪閉不散，且更引邪內入，而有變生不測之虞。一言麻症並不計其麻應表托，惟懼麻毒橫熾，所用多是太清大下，以致麻閉不出。日後不得不用將差就錯之法，竟用苦寒大解，此非本病面目。應見之症，實是醫家不善醫治，妄為造孽之証耳。歲嘉慶戊午春余

治。據。臨。五。都。嚴。家。以。胡。揆。遠。之。孫。結。胸。一。症。余。望。是。兒。顏。色。青。黯。不。堪。并。審。胸。膈。痺。結。實。甚。脰。其。兩。關。脈。甚。急。數。察。其。胸。氣。上。逆。喘。急。問。其所。服。之。藥。云。單。已。獲。原。醫。襲。去。藥。俱。太。苦。大。寒。當。因。服。過。是。藥。大。汗。如。雨。後。請。一。醫。又。謂。氣。虛。汗。脫。進。服。茯。神。早。仁。遠。志。洋。參。白。朮。味。甘。草。以。補。以。致。胸。益。甚。結。余。笑。先。醫。恐。兒。發。厥。早。用。涼。藥。引。其。外。邪。內。陷。是。謂。開。門。揖。賊。繼。因。苦。寒。傷。脾。阻。其中。道。在。於。表。裏。之。界。上。下。之。間。欲。留。不。能。欲。去。不。得。於。是。水。穀。入。胃。逆。而。不。洩。故。有。水。氣。上。冲。逆。而。過。額。爲。汗。已。是。一。錯。醫。者。不。達。病。情。又。謂。此。屬。大。虛。汗。出。大。補。以。致。邪。益。內。結。是。謂。開。門。殺。賊。又。是。一。錯。余。見。如。此。情。形。經。此。大。

爲解表則病猶得轉手因用麻黃五分杏仁十個干葛一錢茯苓三錢桔梗一分柴胡五分桂枝一錢半夏三錢木香五分川芎二錢防風一錢是藥服止一劑而氣爽神清胸膈頓寬再服一劑內加附子大黃生姜而諸症悉除卒之病屬外感並非麻發而醫如此顛倒真是一錯百錯有誰洞悉病源一望卽用表發效見神速有如斯者乎傷寒之書本屬深奧卽有讀書之輩文理優通心不克專正圖涉獵以救一時之急者總謂傷寒之熱急宜清理烏有胸無隻字但見傷寒邪閉而不早用涼劑以投者乎詎知熱不自成因寒內積而成使早進用辛溫辛涼辛平辛熱以爲發散其熱卽無余見素

以是理證余亦未及思矣。閱是案果爾所言不虛。如知醫之治病。

一錯百錯其始如斯。

見

傷寒本屬外邪。自不應早用涼令。其內入爲患。麻症本是內毒。亦不應早用涼令。其不出爲毒。余見諸醫在外糊口。每遇此症。急以

涼投其如之何。

男省音識

主腦不明。治法不曉。自爾一錯百錯。

短後之

治族叔字斯度次男生負謫大馬乘症案 四十一

瘧病形症不一。在自外感得者。有自內傷成者。其自外感而得。亦必究其病發穴道。不可藥用風藥驅除。歲乾隆癸巳孟冬。余在綠園書室。纂集雜科求真方。近三鼓安寢。適有族叔字斯度者。人召余往看。次男其男時甫一週。各方廷族叔懷抱示余。余見身汗如雨。背則反張。兼診其脉浮而且緩。索其前單服藥。皆是鈎藤柴胡。彊蚕驅風化痰之劑。余思病屬風侮。確乎不易。但惜穴道不明。治徒罔濟。因謂前單所服之藥。未免錯走少陽。蓋瘧一病。書載太陽中風。復感於寒。症見發熱惡寒無汗。宜小便反少。氣上沖胸。口噤。宜不語。其脉浮緊。有

有力目判。看即仲景所謂太陽病發熱無汗反惡寒者名曰剛症是

也。中風復感於寒曰剛症。宜用葛根湯治之以開肌肉而發腠理以出其汗不

然不足以制其剛動之性矣。若或脈見虛浮及尺或遲則又當慮陽

虛而不可用葛根以治。但脈虛不可發汗。又或太陽重感於溫其太陽症歸

身雖發熱而不惡寒身強凡凡脈反沉遲有汗目閉。此四字須審。即仲景

所謂太陽病發熱不惡寒汗出者。汗出須察名曰柔症是也。中風復傷於

宜用桂枝湯加芍藥根貳兩節。應通用如聖飲加減。上治者於二症

之中而見胸滿口噤。卧不著席。脚躄急必齟齒及不大便者此屬陽

明府症可與大承氣湯。遠兼陽明府症。若往來寒熱或左有一目牽斜或左

右一手抽搦脈弦數者此屬少陽經症宜用小柴胡湯加防風

症乘少陽

若見頭低視手足牽引肘膝相搏海藏指爲陽明

入三陰之症

三陰脈宜攻下然欲行熱氣湯亦須察其便果堅硬脈實有力

者方河下之此外感之症也

下之宜慎

其自內傷之症蓋或身受濕氣汗

之傷滯而致陰頰逆風又或中風頭暈當自汗出而嘔汗之經虛而

致搐掣體倦又或新產血虛筋無血養而致筋脈拘攣又或瘡家發

汗或隨汗出而致一身枯涸又或小兒風熱傷陰汗多亡陽而致一

身抽掣凡此諸作症

種種俱是發汗血虛而所

其症頭項強急頭熱面赤目赤足

冷脛寒頭搖背反張口噤咬牙手足攣搐雖與疔感相似要皆精血

虛損指出

病根。今世通用小續命散為主。

心法謂其無汗剛症則當去附

子有汗為柔症則當去麻黃。方內所用黃芩杏仁防風防己皆是驅

風除熱而非補。正藥劑切勿宜。凡蓋此症之所急者在元氣。緊要元氣

復則血脈行。理元氣衰則裡難自不能留。何足慮哉。奈何今人但知

此症而悉從風治。不知外感之風客邪也。內生之風血燥症也。止宜

滋補。別此數者。總由內傷本無外感。既以精傷血敗枯燥而成。加以

再治風痰難乎免矣。此內傷之症也。總之症自內傷。固當審其血氣

而峻補之。瘧自外感亦當審其真賦厚薄。外感瘧病亦當審其厚薄如營血虛損

則辛散之內不妨加用滋潤。衛氣薄弱則辛散之內不妨投以溫補。

蓋風藥皆燥燥則傷陰風藥皆散散則招風。瘧之大概如斯。今令即
之瘧。雖非內傷而用藥妄入少陽。自不克應。若依愚見。還須直入太
陽。施治以太陽行身之背。背見角。乃反張。正其候也。若無汗出。脉浮
而緊。則爲寒傷。應用麻黃。今有汗出。脉浮而緩。定屬風犯。無疑。羌
口中微有渴象。風將轉入胃府。急用仲景桂枝湯。重加括萎根。同投
則得之矣。是夜藥服一劑而愈。次早更診脉象。知渠素誠。有熱與積。
遂用清熱消積之劑而安。

瘧病多端。要能分其表裡。經絡。其效始得。血經
識。經首

有汗剛痊無汗柔痊此止太陽之感痊見裏在外感痊中又能分
出三陽三陰穴道以爲施治則於治療之理已明并又知其發汗
過多損其氣血症見痊成此爲內傷更當峻補氣血微加辛散以
爲活動則於治痊之法始全切不可通用小續命湯爲主外加防
己黃芩清熱以致損其元氣已咽不可以起

理段之

治南昌府南昌縣府學前姓李厥逆症案 四十二

厥逆之症其因甚多，不下一種。有食厥、有氣厥、有驚厥、有寒厥、有血厥、有虺厥、有屍厥、有痰厥、有風厥、有濕厥、有暑厥、有痛厥、有虛厥、有燥厥、有熱厥。其厥有實有虛之不同，而症亦有兼見獨見之各異。不得概以厥屬寒成，而厥卽以寒爲斷也。歲乾隆壬辰，余在江西省會，適有南昌府學前姓李，因患四肢厥逆之症。其人凜凜惡寒，肌冷如冰。召余就診，余至病所，問其病起何時，是否有無症見，及今有無苦欲，并診其脈，以思謂此或是食厥。其症自必因食而起。今問病久未食，且無腹滿症，兼而脾脈更不獨見，氣厥則必因事不平，問病今時。

於人絕無爭競而肝脈亦無氣勝。胸脇更無氣築。驚厥則必眼慌氣
失。面色改觀。心脈散亂。而此則無寒厥。則必厥過肘膝。手足攣拘。面
色必見黯晦。六脈必見沉遲。而此無有色厥。則必因於御女。令病久
已。隔床腎脈又不獨見。其厥更不見有遺精。囊縮。虺厥則必口有沫
流。及或欲吐。腹則見有塊。磊脈則更有乍大乍小。而此更無屍厥。則
必因於登塚吊屍。及入古寺古廟。面色則必青黑。有垢。且病久已在
家。而面色更不相似。癡厥則必見有痰湧。喉多聲响。脾脈應見動滑
頑數。而此未見。風厥則必發時猝倒。牙關緊閉。手足牽引。而此不合。
濕厥則必手足微腫。面色微黃。脈則或浮而濡。或沉而軟。身腰多重。

而此亦無暑厥則必由於酷熱途中感受熱氣及或大樹濃陰高堂
大厦感受暑陰此則久病在未睡多煩燥痛厥則必由於痛起此並
未痛虛厥則必眼合唇緩口張聲嘶鼻揚手撒足伸一便自遺余見
其人面雖慘淡而內實覺煩滿六脈雖各沉伏而肝亢覺有力且厥
未過肘膝明是熱厥燥厥無疑而滿座諸醫惟見身冷如水言表言
溫臆見各違余再向病家屬細問謂病本於傷寒初起秘結不解後
漸轉瘧向時與止一時即退今竟冷厥之極四肢俱逆久而不溫想
是瘧後久虛故爾有是余曰非也此邪已入厥陰之裡久而不返正
是經文厥深熱深之義若不即用寒折必致頓危果醫皆怒余言而

退而余極力承任。常用黃芩一錢、黃連五分、柴胡八分、枳殼六分、川
朴一錢、大黃二錢、烏梅一個、青皮五分、檳榔八分、細辛二分。囑其卽
時放胆投服。服則卽時厥回。通身大熱。後漸改用平藥而愈。衆笑此
症若非余治。必致進用姜附不救。但非先生將各屢症證疏明見其
言言是道。分辨明晰。其藥未敢輕服。必致遭於諸醫之手。今病旣愈。
懇請立案。以示後之不忘。

一屢症耳。而能層層分別。以至於極。洵不愧於名醫之手。

是
要

治同族田心字子英長孫乳名某某熱厥案 四十三

歲嘉慶戊午夏五有族字子英之孫年甫三歲身熱便泄四肢厥冷
慎服補脾固澁之藥而熱益甚余見口氣如焚身熱不退大便時泄
口內作渴目則微露一線睛則翳上此是熱極厥生余用雲連黃芩
枳壳川朴柴胡連翹澤瀉服之而神覺安又服而氣覺平泄亦稀有
次早病家云藥有效但身熱仍有渴未見止復於原單內加花粉進
服二劑而愈時有醫問厥本寒成何熱亦有厥見余曰六經惟厥陰
一經主木木喜條達而忌邪鬱凡人臟氣純陰寒則乘陰而入厥陰
以致逆過肘膝是爲直中寒厥臟體純陽寒由傳變而厥不過手足

者是爲傳熱厥。其直中之厥。因其直陽不充。內火不勝外寒。是猶樹木遇寒不舒。加以雪壓。安得不厥。傳經之厥。是由內熱亢極。有陽無陰。血脈不通。四肢路遠。故厥先見於肢。但陰厥之至極。則熱亦極。故熱傳厥陰。而見厥多熱少。則病進。熱多厥少。則病退。直中之厥。其厥面慘而晦。食則不思。口則厥冷。或先吐瀉。而後厥。脈則沉遲。傳經之厥。其厥面青不慘。口則氣溫。舌則有胎。口內作渴。或吐衄。或先發熱。而後厥。脈則沉遲。而數。其厥不過肘膝。治瀕將此症。先明。然後臨症。不悞。不得因其厥見。而卽作寒以治也。

陰陽二厥。其脈與症。天淵各別。玩此自知其概。是

治服姪德夫長男乳名柿仔痞滿便秘案

四十五

痞滿非是結於心下正中實是結於心下偏旁陰處玩書因熱傳於三陰尙未入胃腎用下藥而致虛邪結於心下之偏故爾按之不痛而滿恍若內有所塞而不得通及滿悶與鞭但此非獨傷寒病見卽或因暑因濕因血因氣因食無不因其內鬱而成歲乾隆庚子仲夏暑氣方起內食生冷外寒復冒臥爾病作余在府城購買書籍忽一日服姪德夫備轎懇余歸治時在府城收拾未暇因其信懇復歸余素知其有火一遇冷鬱則氣不宣而下便閉余診六脈弦細而實已知內有熱鬱故爾至是問其心微有痛否答曰無有并見身熱異常

問其大便是否堅硬。答曰：數日未解，始知內結實甚。此非溫藥可愈。爰用大黃、黃連、生薑、半夏、只殼、川朴等藥，內取連以清熱，姜半以除寒，在黃解熱以通滯，枳殼、川朴以寬上下，熱結之氣。此藥人多喜用，但姜半二味，人則畏服，謂姜性燥，燥則助火，半則劫陰，陰虛則火亦動，詎知熱由寒鬱，不鬱則熱不成。分明有熱，則卽有飲，不用半夏以滌，則熱挾飲而伏。且姜旣除寒氣，以散熱，又能溫中以行苦寒之藥，不得踞於脾胃而生變。兼有只殼、川朴通達上下，使久秘之便頓開，獨不觀仲景所立生薑瀉心、半夏瀉心、甘草瀉心、大黃黃連瀉心、附子瀉心等湯，共計有五，而用姜半者有三，附子有一，但不竟用三陽表。

藥而用黃連黃芩以清上中之熱者十有八九用甘草以固胃中之
虛而不令其下泄者更已無方不備惟十棗湯大黃黃連瀉心湯赤
石脂禹餘糧湯未用若胃虛噫氣不除則用旋覆花代赭石下瀉湯
閉煩悶則用五苓散便秘不解則用左黃表邪已除則易生姜而用
乾姜上熱下寒則除黃芩而加附子水飲逼迫上冲痛嘔則用芫花
大戟十棗下利不止因中不固則用桂枝人參白朮乾姜臙虛不固
則用赤石脂禹餘糧此已得其傷寒傳變治痞之義其餘或非寒成
如係挾濕其在後人則又立有蒼朮苓半可施挾氣則有青陳川朴
木香丁香沉香可入挾血則有乳沒鬱金香附紅花丹皮韭汁肉桂

可進揆食則有木香白朮砂仁山查六曲可用此皆得其治病之意而要不忌姜半之有動其陰火也。

外感之邪傳入于內而成多般內結之症總無偏用熱藥寒藥之理。但有邊陰邊陽寒熱多寡之辨耳。若概專一用涼用熱則非是。

晁
雯

治縣東姓劉字尚卿右脇痰痛案 四十五

歲嘉慶丁巳夏五縣東劉尚卿病招余診渠云右脇作疼咳嗽頭痛
余診肝脈微起右脈沉滑而脾有一小珠嗽必努力痰則清稀上有
白沫挑起有如藕絲不斷余用附子二錢茯苓三錢半夏二錢故芷
三分木香五分牛夕一錢并囑戒食膩滯等物俾水行痰消氣平而
痛自可以止渠云其痰自何而來余曰痰病甚多有標有本不究其
標無以知痰之散著不究其本無以知痰之歸宿姑以痰標爲論如
痰分於五臟其在脾經者各濕痰其候脈緩緩字宜審面黃肢體沉重嗜
卧不厭腹脹食滯其痰滑而易出滑字易字宜審宜用二陳湯六君子以治

痰在肺經者，名氣痰，又名燥痰，其候脈濇。濇字宜審面白，氣上喘促，澀浙。

惡寒悲愁不樂，其痰濇而難出。濇字宜審宜用利膈清肺飲，加減以治痰。

在肝經者，名風痰，脈弦。弦字宜審面青，肢脇滿悶，便溺閉濇，時有燥怒，其

痰清而多泡。泡字宜審宜用十味導痰湯，干縉湯，加減以治痰。在心經者，

名熱痰，脈洪。洪字宜審面赤，煩熱，心痛口乾，唇燥，時多喜笑，其痰堅而成

塊。堅字塊字宜審宜用涼膈散，加荅半以治。仍不離冬半痰在腎經者，名寒痰，脈

沉。沉字宜審面黑，小便急痛。痛休作熱足寒而逆，心多恐怖，其痰有黑點而多

稀。黑字稀字宜審宜用桂苓丸，八味地黃丸，加減以治。中寒不宜服八味此皆三臟

分見之症耳。此亦宜知至論其本，則有如張景岳所論痰之化在脾而痰

之本在腎如火不生土者，卽火不制水，陽不勝陰者，必水反浸脾，是皆陰中火衰也。精細火盛金燥則精不守舍，津液枯槁則金水相殘，是皆陰中水衰也。精細寒痰濕痰本脾家病，而寒濕之生果無干於腎火之衰乎？木鬱風生本肝家病，而木強莫制果無干於腎水之虧乎？火盛尅金其痰在肺，而肺金受尅果無干於腎火之發乎？故凡治痰而不知所源者，惟猜摸已耳。盡歸腎火且有一種非痰非飲時吐涎沫，不甚稠粘，此屬脾虛不能約束津液，故涎沫得以自出。此非六君子加益智不效又有如喻嘉言所論窠囊之痰，如蜂子之穴，於房中窠實之，箠於蓬內，生長則易剝落，則難其外窄中寬，任行驅導，滲漏之藥徒傷他臟。

此實閉拒而不納耳。夫人之氣經盛則注於絡，絡盛則注於經，竅囊之痰始於痰聚胃，口嘔時數動，胃氣胃氣動，則半從上而出於喉，半從內而入於絡，胃之絡貫膈者也。痰之過其氣奔入之急，則冲透膈膜而痰得以居之。痰入既久，則阻礙氣道，而氣之奔入者復結一囊也。然痰結聚於膈膜而成竅囊，清氣入之，渾然不覺，每隨濁氣而動。乃至寒之一發，熱之一發，傷酒傷食一發動，怒動，慾一發，總由動其濁氣，濁氣隨火而升，轉使清氣逼處而不安也。故治竅囊之痰甚難，必先凝神息氣以靜自調，薄滋味以去胃中之痰，使胃經之氣不急，去於絡，轉虛其胃，以聽絡中之氣返還於胃，遂漸以藥開導其囊而

滌去痰則自愈矣。

巢囊痰像
補畫殆甚

然究其要總不越乎虛實二字爲之條

貫。蓋實則形體堅強，脈洪有力，飲食不滯，精神不夫，二便如常，卽或有痰，其來必暴，其去亦速，其治則易。虛則語言懶怯，飲食不思，或腹飽時聞，或吐瀉頻作，脈則虛弱而軟，其病必漸，其去亦遲，其治甚難。諸痰書已備載，今凡痰雖在脇在胃在脾，而實歸於腎火之衰，故用附子以補真火，以強土，茯苓半夏以除脾濕，木香以疎中州滯滯之氣，牛夕以引左氣，行歸腎，故正以引右氣，下行歸腎，氣歸痰清，藥雖數味，恰與病對，針芥不差，服自有應，越日告病已愈，渠其歡悅，但不知後果戒暈厥否，當并記之。

不戒口腹惡氣
遍痰人於室囊

外感內傷皆有痰症外見若能逐一細審調治自不致悞令人不
論寒熱總以貝母牛黃以爲治痰套劑但不知其意涉一偏及或
藥性寒熱未明者之一失歟否則何爲而概用也。見

書言痰症千形萬狀而醫總以牛黃竹瀝貝母治盡是何視病之

易而治亦如斯之捷耶。

血姪
紹音

不寔察之根底混以火字痰字牢固不化宜其治多不合

姪緩
之

治房姪生員字師表先妻吳氏痰閉案 四十六

房姪師表先室吳氏素患痰氣內閉常有死而復生、生而復死之症、吳氏自歸渠門其症屢見余治已有年矣歲乾隆庚子其翁形雲忽云渠媳聲啞有似死狀余曰此屬常見細診其脉已無幸身溫暖如故可卽重用附半取生姜搗汁而速灌之是時服則不應再服再灌仍是渠曰將若何余曰是否見有別症渠曰未有若似死人是藥至夜照前仍灌以至次早如是其翁被驚云媳有一堂叔字警遠伊已習醫現在吾族可翁家可卽請渠同診稍有或變免議着男師表急請渠一赴診意見與余相同仍將原藥再灌覺病更增其脉往來無

定驚翁赴診則無余診則有驚翁再診則有余旋復診則無一家驚
惶驚翁向余私語此病勿治可同去之余曰唯唯驚翁默默而去惟
媳之翁靜坐不語仍照原單再進喚余再候片刻忽聽病者咳嗽一
聲余隨驚問是誰言未了又聽房中發笑余曰笑者是誰房中應是
病人余進房視忽見病人起坐房中問及病人爾笑奚似病者曰我
昨所吃姜汁今始覺燒現在痰出心明是以笑耳衆亦嘩然大笑當
卽信報驚翁驚翁亦各鼓掌而笑但病若非其婦之翁信余之篤亦
不至是余今究其病之根由詳其治之本末猶覺其有可笑云

玩此痰閉如是

之藉非信任之篤決不克起

姪紹音

治撫城新塔太學陳淳滄令郎字步元爽痺聲瘖不語案七

四十一

今之爲醫者一見有疾並不細心考究總以風火及熱爲詞并不計及有寒有濕其曰有濕則卽謂之熱濕有嗽則卽謂之熱嗽有積則卽謂之熱積有潮則卽謂之熱潮有渴則卽謂之熱渴有吐則卽謂之熱吐有蟲則卽謂之熱蟲有痛則卽謂之熱痛諸醫俱屬如是卽在病家小兒婦女亦無不交稱是火是熱審是則天地真元與會盡屬火熱氣行毫無寒濕氣至一歲之中盡風火世界而無秋金冬寒一月之中盡屬有餘而盈而無虧欠而是一日自晝至夜盡屬溫煖而無沉晦一生自幼至壯自壯至老盡皆康健復發而無虧弱神疲

無怪諸醫所用之藥非屬芩連梔柏卽是礞疔黃非是地黃龜膠卽是瓜蒌貝冬其在元氣壯實陰虛火盛者尚堪如此蹂躪若火衰氣弱烏克受此殘削耶歲嘉慶戊午仲春余治撫城陳淳老公卽字步元爽癩聲啞五心潮熱風起一症觀其面色則愧白無神察其聲音則痰已塞而閉一身手足及胸與腹俱已灼熱蒸蒸并或角弓反張手如數物眼則或反而戴鼻則或動而塌脰其右脉則滑而軟左脉則浮而數審其舌則微有胎而滑而渴微有亦不過甚究其所嗽之痰上則一層色白如霜下則水盞澄清剔起則如藕之有絲不斷實是寒飲內積阻其中道氣不宜洩故每至夜煩燥不寧并察前費

單示所服皆是瓜蒌貝母天麥一冬及胆星桑皮枇杷化紅知母清熱潤肺化痰等藥病家見此病劇游移不決而余確任是寒是濕定以烏蝎六君子湯去其木草喚其卽服至晚忽見病家張惶云見服過是藥面微作浮何時呼則身轉眼開今則任人撥動眼合不開恐命難保但藥或要增減故特來問余曰藥不必增但云服過藥後面滯痴迷不醒或是脾滯之故可於原單酌加木香未幾又見伊親鄰約翁前來云兒服藥病已減去六七適緣所云兒病甚重是錯報耳因見向時每至夜靜煩燥不卧今之呼喚不醒非是神氣失散實是藥已效見而熟睡耳現在是兒目醒手能弄物神氣甚活潮亦見退

痰亦見利口雖莫言而病已頓失故特來報免生贊惑明日仍煩來
診次早余至伊廳滿室歡喜謂兒實賴余救自今各症全無惟鼻微
揚聾着余喚仍照原單重加附子多服自愈時有位在旁云今小兒
竟有能服附子而愈歷聞小兒病患未有可服附子今聞先生在地
用附救好多人實奇事也余謂此藥不論寒熱皆能生人殺人豈僅
附子一味要在審症既明然後議藥不錯

是症有寒有熱是藥有寒有熱能識症脈用之則生不識症脈妄
用則死此不獨附子一味則然節天冬麥冬人參白朮地黃亦何
獨不然乎觀兄之用附子恰與是兒寒濕症合故能如此奏效是

治江西廣信府鉛山縣車盤張敬亭水沸爲痰案 四十八

歲乾隆己酉秋余在鉛山縣車盤有一姓張字敬亭者病患痰氣上

湧喘如雷鳴痰則雪白如銀湧如泉出其痰來勢不同診其六脉洪數有力

而左獨甚脉見不錯問其飲食亦不甚思口亦不渴惟舌多胎而滑肝腹

自臍至胸其熱異常反覆顛倒夜不克卧醫者每執痰自屬寒應進

廣半川朴化痰余曰非也一服則命不可保矣凡審病症須兼衆症

與脉同審不可專指痰白一症爲論若痰白而見氣緩不促脉數無

力及脉軟滑其自應作寒看今則六脉皆數非火如何又痰白而見

胸腹不熱而和其痰之白亦作寒看今竟自臍至胸有如火烙非火

如何又痰氣喘不急。痰出甚緩。其痰之白亦作寒看。今竟喘如雷鳴。細玩急迫之極。非火又如何。正如釜下火急。釜中之水被火逼迫上。浮沸爲白沫。斯時若不揚湯止沸。何以止其火勢上浮之暴。故宜急用六味地黃以滋腎水。而收火浮。當服一劑而痰仍沸。又服一劑而沸畧消。更服一劑。以至多劑而痰之沸始除。但白痰之症屬寒。居多。屬火甚少。苟能如此分辨。則是寒是火。自不致有魚目之混。噫。醫之道微矣。

白痰屬寒人所皆知。但不兼察。眾證何以知痰之白。卽是六迫水。沸。五。身。每。審。難。症。多。從。兼。症。討。出。消。息。學。者。當。自。思。之。

男
女

台胞弟字東注感受陰暑案 四九

書曰方夏中暑盛夏中熱。又曰動而得之爲中暑，靜而得之爲中熱。
將此數語細審不獨受暑受熱可以覘人稟受。大概卽其辯暑辨熱由

於何時而得何地而成其暑是何形像其熱是何光景其中人也有何相同有何迥異其施治也有何宜涼宜熱之爲別耳。此惟深於醫者一望可窺其源而達其流。不知者惟有見暑爲熱見熱爲暑并不知有暑陰暑陽之名耳。蓋天地之氣遇冬則爲寒極而寒尚有溫名。遇夏則爲熱極而熱尚有陰名。故於方熱之時而在大屋深室涼亭。堂閣大樹濃陰之處其中見有涼風習習使人睡卧而至經日不醒。

者是卽方夏陽中陰氣未除名爲陰暑之象也。此惟膏粱之戶秉體
既虛元氣不振邪則乘其曠理不密而以襲之。以致惡寒發熱并或
轉輾失治煩燥作渴肝脾不調。一使閉塞是其本氣不治故爾中在
於經治宜升陽補氣。又值盛熱之會在於平原曠野天燥無風熱氣
蒸蒸有如火灼是卽盛夏陽中陽氣名爲暑陽之象也。此惟田野勞
苦之人在於途中無隙可避邪則乘其口鼻開張而直中之。以致登
時昏仆煩燥不寧口渴譫語。一使閉結是其形體堅勁故爾中在臟
腑治宜清熱瀉火。凡值此者惟察形氣厚薄以分體之陰陽者熱各
異以分時之陰陽。大樹高閣頭燥裂以分地之陰陽而又臨症細

考以分症之陰陽。脈之陰陽。審其是偏。是平。是虛。是實。是真。是假。而酌治之。歲乾隆乙酉孟秋暑熱雖盛。而秋涼又至。余之胞弟于東注。因食犬肉燒酒。渾身壯熱。大渴卧地不醒。汗出如雨。其在閑雜左右。孰不謂此天燥見病。已屬熱時。口食燒酒。犬肉。又是熱物。身熱。口渴。又是熱症。余診其脈。但見左右洪大。而軟。問其口渴喜熱。而不喜冷。大汗如雨。止在上半。一身却其外。冒燥暑。內食滯物。不消陰氣。內凝之微。隨喚余子。扶至余室。治療以皂莢雜指水。指熱之語。當用茯苓三錢。半夏二錢。杏仁五個。附子三錢。生姜三錢。砂仁一錢。而黃芩柴胡。悉屏不用。并飭余子。掣其茶桶。不令半水入。喚遇渴。則用藥進。使

其腹中先踈然後治表清暑是藥當服一劑二劑如故及服至五六劑後其渴漸止熱漸退後見氣倦不振隨用清暑毒氣湯未幾而服之數劑而安

能從人之臟體及以暑時暑地暑氣暑症暑脈分出陰陽則治絲毫不差若不從此審究正如吾兄所謂時醫一任猜估則非是是

汨族派誠三八之長子臭俚感冒陰暑激陽離根案 五十

歲乾隆己巳秋族有誠三八之子名臭俚者身患陰暑一症一家懽
恐脈則浮而不沉數而無力症則昏盲無知四肢厥逆微潮聲痞而
汗無有渠家索余開單余曰此是感冒陰暑激其真陽內離之象時
余帶有大蒜一顆內分一瓣塞於左鼻孔中頃刻而氣自舒人亦漸
醒不必驚也果爾蒜一入鼻而鼻卽嚏而甦矣蓋大蒜一味在背孔
明之征孟獲其兵悞食啞泉聲啞孔明訪諸上人號蒜空爲芸香草
取而服之而聲卽開故書載性最溫能消陰暑凡悞服冷水入胃而
致胃脘作痛欲吐不吐只取大蒜一枚自愈以蒜最能通陽歸陰而

不致有鼓激之禍耳

陰陽因者既離格絕不通非不用蒜以通者竅則陽何以克復此
雖古方要在能識是症始可用耳

見
震

治族于萬令媳張氏熱毒結於心肝狂 五一

叫發燥案一

病燥一症固不獨先有風寒暑濕與熱之感及或口腹不慎傷其生

冷不敢

過清并或水火俱衰氣血並弱至秋有感發為瘡癩狂燥中煩不

寐飲食不思

不敢過潤

皆不得概用甘

空

潤苦寒之品即或真陰素稿是

病燥

肝木焦枯心火炎燥肺處高源外受燥逼金受火刑

空百陰氣

既我火益煎熬

水衰火必見盛

土亦見燥肺益受虧在上而見諸氣喘嘔痿

厥口吐白血口乾舌苦嗑乾咽痛悲傷哭泣在中而見左脇痛楚心

煩氣脹呵欠頓悶口渴飲冷幽門不通在下而見腰痛癩疝大便堅

閉在外而見皮毛燥裂瓜甲皆枯肌膚癢癢筋攣不舒在內而見骨

蒸狂燥。凡此諸症亦當審其是燥是火是氣是血是內是外是上是

下是中而兼理之。

兼字應看。

不得過用清潤之品而無通氣行痰活血

活氣爲之運行於其間也。

亦不可過潤。

至其用藥大約潤肺不越阿膠麥

冬糯米人乳牛乳冬花豬脂蜂蜜而潤皮膚亦如之清肺不越馬兜

鈴桑葉黃芩羚羊角石膏知母天冬沙參肺兼有痰閉塞而燥不越

舊金紫菀腸燥不越火麻胡麻郁李蜂蜜油麻茯苓肉松子仁牛膝

生地熟地皂角子灰大黃芒硝豬胆汁油當歸肺兼有痰而燥不越

貝母花粉括萎牛子三陽燥閉不解不越硃砂蘆薈肺陰虛而燥

不越百合甘草生地咽痛而燥不越元參甘草氣不叔飲作燥不越

不越

烏梅五味子、肝火內動作燥、不越小麥、木瓜、惠仁、首烏、阿膠、而筋燥、
則止、見有木瓜、胆燥、不越猪胆、腎燥、不越熟地、生地、龜板、知母、骨燥、
不越芒、附、梭、硝、石、羔、寒、水、石、地、骨、皮、脾、燥、不越山、藥、枸、杞、滑、石、胃、燥、
不越甘、草、扁、豆、花、粉、犀、角、石、羔、熱、燥、不越大、黃、芒、硝、心、血、虛、損、而、燥、
不越當、歸、阿、膠、麥、冬、早、仁、猪、脂、猪、乳、人、乳、心、火、內、動、而、燥、不越黃、連、
蓮、心、山、梔、麥、冬、犀、角、心、血、內、滯、而、燥、不越桃、仁、紅、花、生、地、丹、皮、此、皆、
就、燥、論、燥、不、得、不、用、清、潤、之、藥、以、勝、之、也。此是宜清宜潤之症若使肺燥而挾、
有氣、其、可、不、用、杏、仁、米、仁、蘇、子、桑、皮、桑、葉、牛、子、竹、茹、芫、花、葉、橘、紅、只、
穀、只、實、以、瀉、之、乎、清、氣、不、升、而、燥、其、可、不、用、升、麻、葛、根、柴、胡、桔、梗、之、

味乎、肺因寒閉而燥、其可不用生姜桂枝及酒以溫之乎、肺氣虛弱
不通而燥、其可不用人參黃耆以補之乎、肺因風起而燥、其可不用
秦艽防風羌活薄荷柴胡桂枝皂角子灰菊花以治之乎、肝腎因服
寒藥而燥、其可不用吳茱萸生薑乾姜附子硫黃以治之乎、脾濕因
服潤藥而燥、其可不用蒼朮米仁木瓜以治之乎、脾濕而致成痰作
燥、其可不用姜半橘紅以治之乎、脾腎水泛而燥、其可不用附子干
姜茯苓赤小豆以治之乎、如此用藥有如許活潑之妙余昔醫道未精、經歷未遍、
因遇一病而見狂叫走易、即用清潤然清之至極、而心愈清愈蒙、竟
至昏倦莫語、若稍改涼用溫、則燥登時立見、於是留心細考、竟有局

方紫雪、內中所用多是金石重墜之藥以透心肝、外加丁香麝香升麻等味以爲升拔、使其裡外通達。因知是病邪已深入、有非草木質輕之藥所能入於心肝至深之處。故必假用金石之藥以透其穴。穴既透矣、而無香竄升托開闔之法、則藥雖入而毒將安出乎。於是知古立方之妙。歲乾隆丁酉、余在家中檢方、忽有族姪紹輝、脩述隣婦症、竒恰與余述之症相同。問余此病如何服涼則呆、稍服溫劑則燥。而狂。余曰、此是熱毒結於心肝之症耳。治之非易。應用局方紫雪丹方是。紹老止言病者是伊隣婦、亦不指是何人。越日忽有向余稱有婦病請診、但見婦臥在床、其婦兩腳頂被直上床頂。俄而其婦復躍。

下床小解。問其老嫗。彼云小解四射桶旁。中有尿泡上浮。并脰心肝之脈沉細。余曰。委是心肝毒閉無疑。應用紫雪丹按法投治。無金亦可。其藥卽是寒水石石膏滑石磁石犀角羚羊角朴硝硝石辰砂麝香沉香木香丁香升麻黑參炙草。內分用煎。用氣以製。凡小兒驚癇亦可服此。當喘每服三錢。服至兩許。大便頓解。余見手硬眼突若狂。改用龍胆瀉肝湯。服之數劑而愈。於此知燥有非易治。不固執清潤而不知所變活云。

外邪內閉。心肝。非草木輕劑可入。又非專一苦寒可消。必得金石質留內透。香竄外透。則邪自不內重。而外發矣。此古人製方之妙。而亦在人識症用藥之真。否則有方莫用。何益。男省吾識。

治族叔祖介翁內室涂氏身熱卧地案 五二

歲乾隆壬辰夏五族叔祖介翁在陝西白河經商家無壯丁時值火炎土燥介翁內室忽患身熱諸姪兒輩均未在家余診其脈浮洪而大口渴異常其熱日夜不退并無惡寒身痛問其飲食牛粒不入且性最惡服藥余見其症外却似熱而內多虛此非尋常通用柴苓活奎所得而治者遂用大劑姜附引火歸宅詎病仍見如故且更甚甚并欲卧地就冷始快故好冷若再進用附桂難免鬼味時有伊媽吳懋修在側余囑外勿揚知以免紛囀余復再四就診其熱烙手殆甚又兼煩燥余問伊婿其渴喜冷喜熱渠曰稍冷不合即熱亦不合

必要熱之至極而不可以入口者方快。

口渴喜飲極熱分別甚明

余復細診脈雖

浮洪而却無力。決意再用姜附加五味。故非肉桂溫投。是夜熱差

減半。次早再服而安。懇請問余時值火燥而病發熱至極。何以敢用

姜附。余痛令人治痢。一見身熱。卽作熱治。并不究竟熱是何形。熱是

何生。由何發。端由何造。極亦不審其熱自外成。熱自內致。自外成者

未有不由風寒暑濕內鬱身陽之故。內經云。陽被外鬱。則陽一步反

歸一步而不得泄。

熱生在此

在初陽鬱未甚。尚有凜凜惡寒。而不蒸蒸發

熱。及至鬱之至極。則陽積而力勝。故有蒸蒸發熱。而爲純熱無寒之

症矣。所以仲景治邪初在太陽之表。故止用麻黃桂枝。而不用黃芩。

以其尚有寒在。不敢早用以引邪入於內也。此是不敢用涼一証及至邪入陽

明而見純熱無寒。則始用葛根黃芩。再至邪入少陽而見寒熱往來。

則始改用柴胡黃芩。而大黃尤不敢用。及至傳入太陰而症見有裡

熱內結。則始參用大黃。此又是不敢用涼之症此在仲景為醫傷寒之祖。其治

熱邪用涼。尚有知斯之慎。豈若今之醫士。情無知識。早將苦寒重劑。

雜於疎散輕劑之中。自鳴穩重。以為涼藥立基之地。又烏知其熱本

於邪內鬱而成。不鬱則不熱矣。亦又烏知邪初受鬱。是醫早用涼藥

之故。而熱即是醫士之所致哉。此又是醫士添出熱來故治外感之熱。法當識

其發熱之由。隨其鬱之淺深。而早除之。不得早用涼劑。而致流連空

不解也。

之極

經曰：熱鬱則發。正此之謂。若在內成，則熱又有在臟在

腑之分。

在內又分臟腑

在腑者，或因口腹未慎，外邪內傳，裡邪外溢，阻其氣

血，以致鬱而成熱，亦須相其所因，或寒或熱，或上或下。

在腑又分寒熱上下

其疎導以爲施治，亦不可妄用傷臟之藥，以致熱益蒸，甚至於在裡

而見臟有熱蒸，尤當分其是陰是陽，是上是下。

在臟又分陰陽上下

并或外邪

內中而不概用涼施。

概字

仍以形症及脈飲食消息追求。

脈與飲食追求是太

工如見脈數有力，口乾舌燥，大渴飲冷，便閉不解，熱則蒸蒸烙手，心

煩氣壯，是爲內實，宜以清投，或以瀉瀉，瀉用內解，不用外達。若見脈

軟而遲，面白唇淡，不溫，肚腹作脹，嘔吐泄瀉，氣倦神疲，或口渴而

不飲冷。或狂燥禁之則止。或潮熱而不烙手。是爲內虛。仍要歸到虛實二字施治

或以溫投。或以熱收。治瀕內解。不用外提。此是偏臟治法如其虛實並兼表

裡混見。寒熱錯雜。則又不可早用涼藥。以致混無區別。此是總之臟治法

病由外致者。不可據用內藥。以清。應先用表。以奪其勢。勢奪則熱除。

矣。若表症既除。裡症悉具。則外一切表藥。不敢妄用。蓋表藥多辛。辛

則劫陰。而熱益起。表藥多散。散則耗氣。而熱益甚。若不知其非熱。但

見有熱欲除。在始止用柴芩。以施。施之未愈。即用栝貝。知母花粉。以

清清之。未愈。即用硝黃。以下。下之未愈。即用歸地。以滋。滋之未愈。即

用參。芪。附。桂。以補。轉輒未愈。只得返諉他人。以期必死而後快。至此技窮

醫案初編 卷二下 祖母介翁涂氏身熱卧地三 藏四三

術盡余於若輩痛恨已久。今診令岳母之病。身雖發熱。卧地口渴。煩燥與脉浮大。似屬熱極。但渴必思熱之至極。而不可口者。彼獨得之始快。且并脉洪無力。明是內寒。逼其陽氣外浮。而不得歸。此不急用附桂。以救未盡之元陽。不用乾姜。以掃內積之群陰。不用五味。故芷。以爲招導。則陽退而不返。合此數味共服。則效自見。但人見用附桂多。畏故囑懋。婿切勿通知。以致衆口之咻。茲因效見。故不厭冗而序列之。

發熱卧地。孰不謂熱至極。若不於口渴極熱之湯。探出消息。烏乎

克知自記

治族叔祖印七七第三子派名鶴齡寒熱病愈五三

族有叔祖派名印七七第三子派名鶴齡於乾隆壬辰仲秋時值風高燥裂感而受傷請余診視余見其脈洪而且數身微有寒而熱獨甚口亦微渴反覆顛倒余用柴胡炒芍梔子連翹薄荷防風等藥以進是夜熱退神清次早知余往省急迫喚余再診余見病者已起在外閑坐稍停將脈赴診忽見脈細如髮七至八至胃氣全無余私爲之擬曰昨晚在病脈尚洪數今病已愈脈竟如是此異事也再坐再診其脈亦然考之於古亦未見有如此之奇余始與病者謂病今已見愈何須服藥但余行色匆匆脈審未的藥且暫停俟余歸時再

診余卽辭歸見有是脉終覺心軟每遇便人至省余卽輾轉顧問後
余抵家見渠體氣益堅始知脉之見細或是邪氣方除正氣未復之
意乎當卽記之以俟後之再考

脉細如髮若有若無明是內外邪去之微若非在外閑坐或已在
床不起實是可驚未有不
斷病不可起自記

治同族太學派文三長男字會京寒熱內伏病愈脉失案五四

凡病歷久在床。經於幾番挫折之後。其症雖愈。多有脉不卽復。與正被邪鬱而邪既去之後。其症雖起。而脉亦不卽復。且更見有若無。若有而微。及細如蛛絲。與夫七至八至。胃氣盡失。令人默爲深恐。或有猝時之變。則病未有可定論者耳。然非治療旣多。則所見自少。歲乾隆某年。族有太學派文三長子。各會京者。其病本是外感失治。熱成。故見身熱。口乾。舌燥。有胎。及兼咳嗽。便秘等症。脉則浮洪。而數。余曰。此實內熱症也。湏得熱去。爲善。余用花粉。知母。炒芩。連翹。赤芍。丹皮。之藥。以清上焦之熱。俾其大便結實。然後參用川樸。枳殼。大黃之藥。

以投且藥初服一劑未解再服以至三服而始解矣。但此在初並未
有寒止是身熱無汗及至解後則身有汗而諸熱悉退。症見有寒審
其舌胎俱無。余用參耆以固表附子以固裡半夏以溫胃其病漸漸
見愈。余記此病起於十一月之中延至十二月二十八九而病全愈。
病家訂於新正初三請診。屆期赴診定單善後。不期脉一入手竟有
七至八至且有如絲如綿之細。余則私爲之計。其人身已無恙神色
亦活。諸症既除且能赴席陪飲。余思渠初危急尚不見有此脉。今竟
見矣。其故奚自。豈今愈之尚有不測之變耶。余憶多年曾治余房名
印七七之子名鶴齡之病而愈。見有是脉。是時已立有案可查。後雖

無恙然總心怯且此未便竟對病家驚恐六辭於初六再診定單而退至初六早余卽赴渠再診病人愈覺精健而脉竟改四至如常余始欣然慶曰此病已無恙矣於是將前不肯定單之由脩述以見病愈脉未卽復其不可見脉論脉以疑病有反覆者如此

亦是病痊脉見微細之象卽正氣未復脉應如是然終反側不安

當並錄之以廣目未概見

自記

病愈脉失明是外邪已去正氣未卽見復故脉久以自隨症愈若脉久以不轉則症亦有罅隙可見決無病症全愈而脉仍有若失之象也設師不爲躊躇不爲顧慮而竟率爾妄報則病家驚疑輾

轉更醫更不免有妄治之失自應靜鎮以待元氣漸復可耳

門人張廷

余問余父診病萬千內中病愈而見脈失者止有其二此實不過萬中之一而非病愈通同嘗見之脈也於此益徵醫道無窮神妙莫測有非尋常思議所能測者矣

男省吾識

治同縣太學羅禹亮副室王氏五心發熱案 五五

縣太學羅禹亮因已素患喘咳，謂余在於伊叔繼萬家診脈，與叔商其同席陪飲，叙以伊素患喘之疾，試余余切其脈，與症知其火被氣逆，進用附桂沉故等藥，而氣始平，越日又與伊子汗出等症，試余有治室余因伊子挾有濕熱，進用利濕除熱之藥，而汗即收，越數日又以副室王氏之脈召診，診時亦不告其病症，奚似但以伊室身常不安爲辭，余診諸脈無恙，惟右關浮滑而數，病根即在脾胃有如豆粒，問渠食後是否脹滿，答曰無有，又問食後是否有噎，答曰亦無，但云心口手心脚心至晚熱甚，其手心之熱更極，必待手心各發一泡而愈，脚心熱

極必用冷石點其兩足而安踰時再發并云服過白朮則病更劇余
辨諸症雖熱但與內脈甚不相符卽云其脈見數數卽熱候其口自
應見渴何以諸脈管平口不見渴因變其詞以問云旣不脹不噎其
於食後當必見有昏迷眼合欲睡之象矣彼始應之曰有且云多服
瓜菜則泄不泄則五心皆熱并云穀食可有可無始信脈與症合乃
用大劑茯苓陳年香砂附子溫中散滯等劑以投彼見單開附子心
甚詫異云手與足之心皆熱安有可用附子熱藥之理余答余意更
欲進姜因見足下心多疑義故寧不用姑候服微有效酌投是時彼
益驚恐但因所信在先未敢迫止問余於何日旋歸答曰余尚有

口遂信投服井卽加姜以進厥後服已見效乃有索其發熱必用附
子之故余謂熱不遠熱經已有言但須分其陰陽虛實以爲從違使
果熱由實致何以他脈皆平而脾獨見浮滑與數乎且熱果結在胃
又何口不作渴食則欲睡及服瓜菜而更見有滑利泄瀉之症乎明
是脾因濕至濕自寒生故脾得食則滯滯則胸膈不消氣不宜泄而
有中心灼熱之候手足脾胃所司脾不宜澀穀食故手足亦見阻逆
而有中心灼熱之候使或認爲實熱而用苦寒以折則氣愈不宜泄
而熱愈甚而不可解矣所以必用姜附以溫中宮之陽俾陽得以內
反而歸必用苓牛以道中宮之濕使濕得以下流而不內阻佐於香

砂以疏胃中之滯。使氣得以通活而不窒。至云服白朮而病益增。此亦由於寒濕內停。氣不宜泄。而朮有能閉氣之意。凡氣閉者忌服釋其所以可以明其脈與症合及熱不達熱之意。但未呵粗心人道。

若不於食後眼欲昏睡之處。討出消息。則彼五心熱極。手心發泡。兩足俱用冷石印貼。當必誤作熱有。而師總以脾濕脾寒反覆。顧問以辨真偽。具見獨出手眼。門人張廷獻

治縣東太學吳履中令堂鄒氏潮熱口渴案 五六

歲乾隆乙卯春縣東太學吳履翁令堂在於余族弟字西翰家居住族弟西翰是卽吳履翁令堂之女婿也上年甲寅冬月接任年已七十有餘體肥痰盛至冬接歸出門里許卽見痰暈未敢送歸去而復返至乙卯新正倏爾身熱口渴信報履翁請醫來里調治醫因路遠不來仍扎示余醫理余先診其病脈浮洪而大知其水氣上湧陽氣隔絕不通潮熱口渴症所應有無奈渠家因婦年已老老稱有不測心實不安輾轉思維惟有向余問參可服余曰服則水愈上湧勿服可耳渠又驚慌之甚酌渠進用附桂渠亦心恐姑用生姜搗汁誘其

可以散寒爲題。渠方允從，隨卽搗汁投服，遂吐冷涎二口。其氣漸平。渠方信任，復又囑渠再進小醜，其氣又平。次早始以昨進姜汁效見之處，反覆申明，謂不進用辛熱之藥，不能以起其病。若果是熱非寒，何以進用姜汁而氣其稍平乎？於是高添附子半夏，各用三錢以投服之。而燒漸退，又再添加白朮以降空陰寒之氣，而氣全減。於是訂期送婦回歸閨，在轎中頭竟不暈，設不先用姜汁取效，引渠進服極熱之藥，渠竟不服而退。

此亦中寒症耳，不如此喚用姜汁以誘其信，則附半斷不肯服。口

記

治福建漳州府平和縣游嵩山消渴症案 五十七

消渴一症。本有上中與下之分。而實由中之胃。貪其醇酒厚味。久而不消。以致熱成津枯。故爾求水自救。熱成則必上輪於肺。而子母受累。以致金受火刑。而肺又處高深上。無津液下輪於腎。加之胃之積熱。更或下移。則腎益見澤竭。使外所飲之水。隨卽建瓶而下。至此則必飲一洩。一旦腎既無肺陰下濟。而又上承君火中挾胃熱所飲之水。自必被閔而下。以致內陰不守。強陽橫肆。并或恣用石藥妄投。以致洩濁如膏。斯時縱用水投。徒傷太陽膀胱。而胃與腎燥火其堅。如石。正如以水投石。水去而石仍在。何能入耶。不致消盡真陰。削其肌。

肉而後已。昔人謂此下消之火，水中之火也。下之則愈燔。中消之火，竭澤之火也。下之則愈傷。上消之火，燎原之火也。水從天降可滅，但不宜攻腸胃，恐致過寒而生腫脹，宜得地氣上而爲雲，天氣下而爲雨。若地氣不升，烏能用乎？故宜亟升地氣以慰二農，升腎氣以澆三焦。如加味地黃丸、金匱腎氣丸，內用附桂使之蒸動，腎水差得，然仍看其脈症施治。如上消則宜宣明麥冬飲子，中消則宜人參白虎湯，下消則宜六味地黃丸、金匱腎氣丸、金匱文蛤散之類。然亦不可拘泥。歲嘉慶戊午季冬，時有福廷漳州平和游畫山，因患消渴症，見請余施診。余見六脈微緩而沉，肺脈尤甚，肝脈差起，小便甚多，肌肉消

削口渴不止飲一澗。二余謂此脉沉緩而遲。而肺脉尤甚。肝脉若起。在初病見消渴。必是過服石膏。知母花粉。杏仁貝母犀角。苦寒之藥。傷其胃肺及腎。以致地氣不升。天氣不降之謂。依法正宜滋陰補氣。使漏卮不致下泄。當用當歸一錢。人參一錢。蜜炒黃耆四錢。升麻三分。玉燭三錢。福員十個。桑螵蛸一錢。龍骨一錢。菟絲二錢。龜板一錢。木瓜四分。炙草三分。使其二氣交合。霖雨四佈。囑其日服一劑。禁服苦茶。則病可以即愈。但余在伊藥單內。開服人參一錢。看其情。若恹。奮不肯竟用。余意終覺心歎。後聞改用洋參替代。服甚有效。渴即見止。想是得者升提之故。加之內有收腎固滯之藥。則氣不下泄。而渴。

自爾其見止云。

見渴治渴。人誰不知。然下無腎氣上升。上無肺氣下降。津從何來。自當追其病由。尋其根本。以爲施治。則得若止。恣用苦寒。傷上。腸胃而爲水腫。腹脹不食之症。則其命立危。晁

消渴不見脈洪。而見脈緩而遲。已是正氣不足之候。復任水飲。建瓶而下。不爲收攝。正是愈消愈渴。愈渴愈消之謂。案中所謂治此甚明。不可忽視。姪紹音

治新城縣太學江純翁長文郎字曉星

水停心下
作悻案

五八

今人治病不曰是熱、卽曰是火、此不獨醫士類多如此、卽在病家婦女大小亦無不交稱是熱是火、無怪醫至於今、則惟高蹈自矜、嘉慶丁巳夏五、有新城縣江曉星者、召胗伊脉、伊云心下有似礪悻、想是心神虛損、故有是病、余診肝脉浮洪滑大、右脉稍遜、余曰、現今飲食何如、渠曰、飲食亦可、余曰、食後曾作飽否、渠曰、畧有余、食後必有噎見、渠曰、有噎、余看曉老形體肥厚、內不甚堅、因問現在所服何藥、渠曰、藥亦未服、只有醫開十全大補、余謂此屬補藥通劑、究人病症有何缺陷、有何應補、有何不應補、爲是此、单休服、其病原是臟陰

無火。水停心下作悸。蓋心者火也。處於南離。一逢北坎水壅。則火忌水尅。而悸作焉。時有問余坎有二陰。中有一火。與水爲伍。而火獨不見。悞乎。余曰。一陽二陰。同居於北。生時已定。豈此心居上拱。水離其位。凌心而致作悸乎。且不獨於心作悸。而更見有堅築短氣。惡水不飲。胃眩之象。渠曰。亦是。但病屬火。屬熱。人所共知。茲獨曰水。實所未曉。余謂天地不能有陽而無陰。而人身不能有火而無水。水盛則火必衰。火衰則水必盛。一勝一負。理所應有。今人治虛。總曰滋水。治實。總曰瀉火。一水一火。情何偏好而不得乎。獨不觀書有云。水停於心。而見堅築短氣。惡水而不欲飲。甚則悸而眩冒。豈火之謂乎。水在於

肺而見口吐涎沫、豈火之謂乎、水在於肝而見脅下支滿、噎病、豈火之謂乎、水在於腎而見腰腹重墜、心悸、豈火之謂乎、水在於脾而見少氣、身重與腫、豈火之謂乎、推而水溢大腸而見洞泄不休、水閉膀胱而見陰囊及莖皆腫、水聚於腹而見腹脹如鼓、水溢於經而見身腫如泥、水漬於上而見喘汗唾涕、倫至水停於膈而見痞滿、堅築時聞、又豈火之謂乎、且表寒而見身冷厥逆、色慘裡寒而見冷咽、腸鳴嘔吐、上寒而見吞酸、噎腐脹噎、下寒而見足冷溼泄遺尿、陽痿、又豈因火因熱而始然乎、但火人望而畏而水人玩而褻、若果有火無水、則天所生利水導水瀉水之藥、皆屬虛設、而金匱載用麻黃防己、

朮以治風水。細辛、肉桂、苓半以治寒水。澤瀉、牡蠣、商陸、海藻、葶以治熱水。木澤、姜半以治水飲。白朮、茯苓以治水滯。大戟、芫花、甘遂、牽牛、檳榔、木香以治水氣。元胡、靈芝、琥珀、桃仁、紅花、葶、鹿白、魚亂髮以治水血。其方皆屬空談。總不若今時醫千手雷同皆稱屬火爲愈。足下原屬火衰水泛之病。何得通用十全大補滋水之藥以補言訖。余開茯苓三錢、半夏三錢、肉桂一錢、牛膝一錢、車前八分、囑渠服有十餘劑而安。越數日渠報藥效。余因執筆書此以爲兒輩勗。

今時醫士遇症俱言是火是熱。總不知有水症及有治水之方。觀

此可以自愧。

男省
吾識

治同縣南邑庠鄒瑞翁水湧汗出治畧

五十九

歲嘉慶丁巳仲冬九日余治縣南邑庠鄒瑞翁水閉汗出如雨之症已將治法反覆申明其中忿世嫉俗不無過多茲則渾而約之蓋人病見多端瀕於衆病之中擇其病之最真者以爲之本餘皆屬標屬僞以免救頭救腳之譏余治瑞翁之病症見甚多有痰嗽有口渴有舌燥有惡寒有發熱有汗出有便閉有溺瀦有熱退而手心之熱不退其症可謂繁矣問其脉多數而不緩醫者進用石羔知母黃連黃芩天冬麥冬貝母等藥似不得謂非是無奈日服日劇而飲食不思脉見短數始召余診余見脉數而軟一遇水逆上湧則脉漸洪而健

及至湧極則竟擊指俄而汗出熱退則脉消索張惶其消索張惶果屬熱乎飲食惟熱則消惟火則思今既服涼不食其不食果屬熱乎口渴喜熱而不喜冷其不喜冷果屬熱乎舌燥時起時止但實熱之燥其燥無已今竟燥而復止止而復燥其燥果屬熱乎嗽有痰出色黃則熱今嗽痰出不黃更見雪白其色白果屬熱乎瘡則一日一發及間日一發方爲正瘡今倏忽無定其不定果屬熱乎瘡則寒熱交戰其勢甚急今竟寒不齋齋熱不蒸蒸其不齋齋蒸蒸果屬熱乎汗出透床過簾而汗上身則多下身則少且於發汗之先更不見有煩燥其不煩燥汗出果屬熱乎余因搥定脾有白痰如雪及飲食不思

節是爲通身病見之本。合之右關見有小珠溢。此定是脾寒脾濕。水湧爲汗似瘧無疑。他症止。是此症流出。余計是病。余已用藥七劑。其七劑在初止用輕平辛溫小劑。內有半夏防風。而病者卽以半夏切陰防風過表爲疑。余出道之。而服無恙。再服而痰嗽畧稀。三服而溏糞微下。其手足之熱無有。四服大加姜附。而汗少熱微。五服進用川椒而寒去。其小便畧疏。六服而諸症俱除。寢亦甚安。但舌燥仍在。七服而舌燥覺增。病家不知此病因於寒濕。旣除。殘陽未收。火未歸宅。仍在上焦浮遊。稍用甘平。舌可卽潤。胡爲求愈。心惑。以致議論橫生。獨不思余未治之先。症見甚多。服無不愈。若果屬熱。屬火。豈有手

心之熱可以卽除。汗可卽收。渴可卽減。痰可卽無。嗽可卽稀。并或時
寒時熱。可以卽愈乎。乃竟背余。進用大苦大寒之味。不惟舌燥仍在。
且更使痰復壅。挾氣上沖。迨至臨危。告急。生氣旣無。火氣漸滅。而病
反覆無定。藥亦更變不一。數耶。命耶。抑亦人事尚有未盡耶。吁。悞矣。
以十愈八九之病。因一舌燥未除。任聽在內有權。醫士爲之顛覆。
豈非壽數已定。有難挽回於其中歟。其中是非。玩之自見。自記

治房叔祖印七七孫癰十身腹水腫案 六十

身腹水腫，手按不起，腹色不變，其症繁雜不一，而究其端，不外風水。風濕風痰，風熱風毒，與夫水濕水氣濕熱，及或寒濕食積諸虛夾雜而成。究其經腑與臟在表則有在於表之上下及經及膚骨節之殊，其症俱屬風水在腑則有氣不得營而見一身蒸腫，寒濕挾飲挾食而見胃氣不消，風痰內湧而見中滿氣壅，濕熱鬱於膀胱而見小便癃閉，大便俱塞，與夫水熱氣交閉於腑之異，在臟則有寒氣在表犯肺而見氣喘水濕乘虛犯脾而見膚腫惡血不散而有腫肝之別，與夫諸臟俱虛則有脾腎虛寒而見水溢脾腎陰衰而見水逆脾腎土

裏而見水泛脾濕火衰而見水漬氣虛而見血化爲水之分水腫見
症大抵如斯而總不越以水爲害至其辨症大約脾臟多熱熱則多
實。肺臟多寒寒則多虛。先滯於內而後及於外者多實。先腫於表而
後及於裡者多虛。或外雖腫而內不腫者多虛。小便紅赤大便閉結
者多實。小便清利而大便稀澆者多虛。脈滑而不軟者多實。脈浮而
微細者多虛。形色紅黃聲音如常者多實。形色憔悴聲音短促者多
虛。少壯氣道壅滯者多實。中衰勞倦氣怯者多虛。究其治法大約因
風則宜桂枝防風秦艽羌活柴胡蟬蛻全蝎荆芥之類。因水則宜茯苓
苓澤瀉車前朱苓赤苓木通瞿麥扁蓄滑石梔仁燈心赤小豆椒目

葶藶續隨子大戟芫花商陸乾姜甘遂之類因濕則宜蒼朮防風因寒則宜附子麻黃川椒生姜因熱則宜芒硝黃連黃芩因血則宜三稜紅花蘇木血竭阿魏肉桂靈脂元胡川芎牛膝香附因食則宜砂仁神麴因寒因痰則宜半夏生姜因氣則宜廣皮木香烏藥紫蘇川朴茴香桑白皮杏仁腫在於皮則宜地骨茯苓大腹生姜桑白五加等皮腫屬於虛則宜白朮地黃淮山芫皮黃耆硫黃附子肉桂肉豆蔻人參黃耆甘草但此腫而不脹則腫在水而氣不堅凡一切枳櫛枳殼丁香白朮故芷沉香丁香氣逆利之藥切勿輕投猶之鼓脹在氣則一切升提呆補之藥亦勿輕用宜歲乙卯春余族印七七祖之孫

因患水腫之症。召余往診。余見六脈浮濡。滿指而右寸尤甚。按其腫處浮而不起。知其水溢於肺。索其前單以示。皆是破血破氣之藥。宜其藥不克應。余以連翹、梔子、茯苓、澤瀉、牛膝、滑石、葶藶、木通、防風、蒼朮、輕平等藥服之。而腫卽消。於此見其用藥宜慎。不可見腫卽疑是氣。而用大苦大下之藥。以致真氣愈消。而不可以藥救也。

鼓脹忌用升補。水腫忌用苦降。此實理應爾。爾但或病有變遷。治有逆施。則自有症有脈。可察切勿輕手妄用。自記

治余縣仙四都大禾埧表弟張宗伯黃疸案

六十一

疸病書載有陰有陽。則症與脉自。有陰陽之分。而臟亦有陰陽之殊。所以書載疸陽其臟亦陽。其黃明潤。其形堅強。其氣雄壯。其症煩燥。身熱口渴。多食善飢。小水熱痛。或大便秘結。脉洪滑有力。此是陽疸。又載疸陰其臟亦陰。其黃闇晦。其色憔悴。其氣短小。其聲低微。其性畏明喜暗。或怔忡眩暈。畏寒少食。四肢無力。大便下泄。小水如膏。是爲陰疸。與病陽疸之症大相逕庭。但此人所易辨。惟有陰陽錯雜寒熱互見。虛實混淆。症實難明。謂之是陽而陽有陰。雜或其胃氣不壯。正氣不振。謂之是陰而陰有陽。見或是五心發熱。二便俱瀦。溫補恐

其熱助苦寒恐其寒勝非不辨其邪正審其脉息分其輕重別其先後使藥辭於至平何以克效歲乾降乙亥余因張宗伯病疸求治余謂治疸之法舉世通用茵陳梔子大黃蒼朮炒栝連翹澤瀉枳殼以治陽茵陳蒼朮桂枝附子乾姜川朴半夏以治陰然治陰治陽其藥甚多斯不逐一分辨則尤有碍如邪初在表不論是陰是陽症見惡寒頭痛發熱卽當急爲表散不可早用涼藥內陷如桂枝麻黃升麻乾葛柴胡羌活獨活防風荆芥薄荷川芎桔梗香薷在人選用有濕則宜澤瀉茵陳梔子蒼朮茯苓木通車前滑石赤小豆以爲開導有熱則宜大黃黃柏連翹黃芩黃連硝石石膏知母苦參常山桃仁菊花燈草

以爲清解。有寒則宜附子。生姜。川椒。巴霜。吳茱萸。白叩。砂仁。使君子。以爲溫燥。有痰則宜南星。半夏。麻。礬。石。廣皮。以爲開豁。有氣則宜枳殼。枳實。川朴。檳榔。青皮。杏仁。以爲苦降。其有堅積在肝。而見黃腫。則宜青礬燒變爲皂。而治痰濕血塊。至於堅積在脾。則用鍋煤。以磨并用針砂醋煨化爲黃衣。以下而消其腫。酒積挾熱內觸。而見黃腫。宜用瓜蒂一味。以吐氣血俱虛。而見脈沉。則宜當歸。白朮。人參。黃耆。炙草。豬膏。亂髮。別甲。白芍。苦酒。以爲溫補。九宜相其病症。以施。若是女疸。而見額黑。則宜硝石。礬石。大麥。粥汁。和水以服。瘀結疸燥。則用豬膏。亂髮。女癆。濕熱內乘。則用束垣。腎疸。藥皆升發利濕。如升麻。防。

風羌活獨活柴胡皆用其根如是融會貫通始得。今見形瘦神枯飲
食不進似非甚實而六脈惟肝與脾弦濇則又似有久濕久積固結
於脾於肝但不先扶其腎則諸藥不行。當茯苓砂仁廣皮半夏以溫
其胃胃勝則谷食日進。隨用丹溪小溫中丸取其內有針砂及加錫
煤以除脾積并用蓬頭祖師伐木丸取其內有皂角伐木以除肝積。
則其疽始化若徒執其陰陽一疽而不分其先後急緩反加磨積之
藥必致流連不解。

陰疽陽疽迥然各別卽陰陽錯雜疽亦所易辨惟有女疽額黑
瘀結疽燥暨房癆腎疽並濕熱墜積肝脾之當留心細察。

男省
君識

經治同鄉疫病盛斷案 六十一

疫病最易傳染，余素不理。但值親族邀診，明知情有難却，不得不順其意以爲之投。況有疫屬不知，因其召診情切，又烏能却其情而不診哉。歲乾隆乙巳春，余族疫病盛行，每至病所，問其病之父兄，病起何時，渠曰：病起未久，問其病之苦，欲病者情不能對，并看病之兩目，或黃或赤，問其病者有無作痛，或曰：在頭，在脇，伸其兩手以診，但見熱如火灼，診其兩寸與尺，又見或無，或有出沒不定，問其病之左右，有無作寒，或曰：初起凜凜，以後但熱無寒，喚其伸舌以看，但見彼病未久，舌有粉漬，若病已久，舌卽見有黃黑之胎，且問病者左右病

人夜有譚語不渠曰自病起以迄於今語多不倫。余見病情病脉是
病疫傳。歷歷不爽。余不明言是疫。惟囑善爲調停。多爲問卜。仍看其
疫在表在裡。擬開一單以爲疏導。而三四發表之藥。總不妄進。時有
相知問余。爾何知病屬疫。而以疫斷。余謂疫病在昔吳又可已言疫
病之症。與傷寒之症大不相同。傷寒初發。則有惡風惡寒頭疼身痛
等症。及其發熱。而仍惡寒不解。此則初覺凜凜。以後但熱而不惡寒。
傷寒投劑。一汗卽解。此則發散。雖汗不解。傷寒不能染人。此則能以
染人。傷燥邪。自毫毛而入。此則自口鼻而入。傷寒感而卽病。此則感
而後發。傷寒汗解在前。此則汗解在後。傷寒可使立汗。此則俟其自

潰而有自汗盜汗戰汗之症。傷寒不能發斑。此則能以發斑。傷寒感邪在經。以經傳經。此則感邪在內。邪溢於經。經不自傳。傷寒感發甚暴。此則或多傳滯。或漸加重。或至五六日忽然加重。傷寒初起。以表發為先。此則初起。以踈利為急。其所同者。皆能傳於胃府。而用承氣導邪而出。傷寒自外傳內。此則邪透膜原。根深蒂固。發則與營衛交并。交并則營衛受傷。而邪始能以出。而病可愈。所以一發不用別劑。而用達原飲之由來也。但此止是治疫表盛之邪。若痞滿膠悶。則當用瓜蒂散。以吐小便不利。則腦茵陳湯。以解便秘。舌胎由白而黃。由黃而黑。鼻如煤炭。則當用承露。下大渴不止。則腦仲景白虎湯。以搗。

氣虛畧加人參以助。仍看表多於裡。則當用達原飲治表爲急。裡多於表。則當用承氣通裡爲先。總不可用傷寒正治之法以行。此時行疫病治法。不過如斯。至有一室共染。合境共釀。而至屍更出戶。委巷投崖。此是天地之大疫。喻嘉言論之甚明。謂初見此。而有惡寒發熱頭痛。宜用敗毒散。燥熱無汗。宜用通解散。頭痛如破。宜用十神湯。若兼瘴癘。腳膝疼軟。宜用獨活散。此是治表之法。若一病便見壯熱無寒。多汗神昏。嘔惡痞滿等症。則又當從涼膈。雙解。三黃。石膏。黃連。解毒等湯。兩解表裡之法。選用如見頭面腫甚。喘燥舌乾。憎寒壯熱。多汗氣蒸。此是濕熱傷頭病。名大頭瘟。宜用普濟消毒飲。不治卽死。其腫

仍宜分其部位以推如在前額屬陽明則加石羔肉實加大黃發於
耳邊左右額角屬少陽加柴胡便實亦加大黃發於頭腦項下并耳
後赤腫屬太陽則又當用荆防敗毒散加芩連或用砭針以刺又喉
失音頸大腹脹此是濕熱傷於頸項病各捻頭癰當用荆防敗毒散
及加金汁一杯尤妙又胸高脇起嘔血如汁此是濕熱傷於中焦病
各瓜瓠瘰宜用生犀飲煎服虛加鹽水炒人參便結加大黃日渴加
括萎根表熱去蒼朮之黃土加桂枝川連便膿血去蒼朮倍黃土加
黃柏便滑以人中黃代金汁又遍身見有紫塊忽然發出微瘡此熱
毒傷於血膚病各楊梅瘰宜用清熱解毒湯送下人中黃丸并刺塊

出血以消其毒。氣虛則用四君子送。血虛則用四物湯送。痰盛則用二陳湯送。熱盛則用童便送。又遍身發塊如瘤流走不定朝發夕死。此是熱毒傷於皮膚。病名疙瘩瘰宜用三棱針刺入委中三分出血。及服人中黃散。又腸鳴乾嘔水泄不通。此是濕熱注於上下。病名絞腸瘟。宜用雙解散探吐。又便清泄白足腫難移。此是濕熱傷於下部。病名軟脚瘟。宜用蒼朮白虎湯。凡此七症。大約傷氣則見頭項腫痛。傷血則見肢體疼痛。傷胃則見嘔汁如血。傷腸則見水泄不通。及至入臟則憊。不知人不待藥救則斃。此宜深知免其招謗總宜以症爲憑。無盡以脉爲診耳。但察疫病便結。毋拘糞硬不硬。此屬濕熱便多見瀉。更有

對冷如冰。口氣微冷。似屬陰寒。若不察其小便赤澀。但據外症。投劑
未有不悞。且疫壯熱。不時作汗。此時邪踞膜原。有汗熱不得解。必俟
伏邪已潰。表氣行內。精氣達表。表裡相通。振振大汗。邪方外出。此各
戰汗。其汗通身如雨。勿作脫看。并有幾回戰汗。方愈。不可不知。但余
止據書是。故病亦從書斷。未敢妄置一喙於其中也。深於醫者知之。
疫病本有時行大疫兩種。但時行毒淺。可治。而大疫毒氣更深。則
難治耳。若至病所辨。其是否病疫。大約不越案內所載。可卽查之。

自明門人張
廷獻

疫病本與傷寒之症不同。故用藥亦與所治傷寒之藥大異。但達

原一欲止治疫初邪盛於表。若至內氣既盛。則或胸滿胃燥。溺滿便閉。其治不盡在於達原。而又在於或上。或中。或下。卽見熱成之處。以爲分消。若是大疫。則或傷氣。傷血。傷胃。傷腸。傷臟。亦不越乎清熱解毒之意。以行其中。仍看氣虛。血虛。以爲兼理。若使症見汗出。氣弱無力。此是內邪已漬。得汗則解。切勿認作虛。看脈見。或有或無。亦是疫邪內閉。切勿謂脈虛弱。而用溫熱。以投此理。吾兄論之甚明。可卽按其所見。以爲施治。

治族姪東川長文郎字文璵疫病案 六十三

疫病由於毒氣傳染入於口鼻留於募原一染而即發熱不漸否則見有黑白黃胎既不可用三陽升提之藥以助熱猶不可滋陰歸地之藥以滯邪惟看毒氣淺深酌其疏利攻逐輕重以爲調治歲乾隆戊申余族瘟疫盛行東川文郎先於舊臘傳染余見胸腹脹滿有熱無寒大便不解頭痛耳聾已知是疫其病有一症與余商用六味地黃及加天冬麥冬余亟止之既而用之不效且見復傳始悔於藥不符仍扎委余調理余因渠家信任情實難辭勉強支應但不先期言其病之去路必致信而復止余用黃芩知母板櫛川朴枳殼大黃

其多服則解解則身必戰汗外出而退踰時藥停大便復閉則復潮潮則又服此藥或一劑以至數劑大便復解解則汗出潮退轉輾便仍作秘而潮復作治仍不離原藥但後之潮較前之潮稍輕仍庶再用前藥而愈無奈委之至再始雖見從至火急欲見愈必致中而復疑適有親房一醫從中惑亂烏有火病之症可用如許下藥之多再下必致見斃於此急用參救尚可挽回梁家半信半疑余囑切勿用參奈醫貼近病處余實莫阻果爾用參氣粗仍信余用下藥而愈疫癘之邪何以慮其火下則虛堅必進用人參此是妄為想像妄為猜估並非從病根蒂追求

男密
吾識



板三十二